



**UDRUŽENJE DOKTORA  
PORODIČNE/OBITELJSKE MEDICINE**  
Family Medicine Physicians Association

Na osnovu člana 14. Zakona o udruženjima i fondacijama Federacije Bosne i Hercegovine («Službene novine Federacije BiH» br.45/02), te člana 15. Statuta Udruženja doktora porodične/obiteljske medicine, Skupština Udruženja na sjednici održanoj dana 14.05.2017. godine donosi:

## **P R A V I L N I K**

### **O OSNIVANJU I NAČINU RADA PODRUŽNICA**

#### **UDRUŽENJA DOKTORA PORODIČNE/OBITELJSKE MEDICINE**

##### **I. OPĆE ODREDBE**

###### **Član 1.**

Udruženje doktora porodične/obiteljske medicine je dobrovoljno, samostalno i strukovno udruženje naučnih i stručnih radnika iz oblasti porodične/obiteljske medicine kao naučne discipline ali i drugih srodnih disciplina, udruženih radi razvijanja i unapređenja stručnog i naučnog rada u oblasti porodične/obiteljske medicine na teritoriji Federacije Bosne i Hercegovine (u daljnjem tekstu: Federacija).

Ovim se Pravilnikom, u skladu sa Statutom, uređuju osnivanje i način rada podružnica Udruženja doktora porodične/obiteljske medicine (u nastavku teksta: podružnice), kao organizacionih oblika Udruženja doktora porodične/obiteljske medicine (u nastavku teksta: Udruženja).

## **Član 2.**

U skladu sadrži s članom 1, ovaj Pravilnik odredbe kojima se utvrđuju i uređuju:

1. osnivanje podružnica;
2. naziv i sjedište podružnica;
3. pečat podružnica
3. sadržaj i područje djelovanja podružnica;
4. tijela podružnica;
5. predstavljanje podružnica;
6. ostvarivanje javnosti rada podružnica;
7. članstvo podružnica;
8. finansiranje podružnice
9. prestanak podružnica;
10. tumačenje pravilnika izavršne odredbe.

## **II. OSNIVANJE PODRUŽNICA**

### **Član 3.**

Udruženje djeluje na teritoriji Federacije preko svojih organizacionih oblika- Podružnica koje se osnivaju za područje kantona, odnosno regije.

Podružnicu čine jedinice lokalne samouprave, odnosno općine sa područja jednog kantona, odnosno regije.

Kanton, odnosno općina koja na području svog kantona nema osnovanu Podružnicu, može se priključiti Podružnici koja joj je po geografskoj udaljenosti najbliža.

### **Član 4.**

Podružnica se osniva na inicijativu pripadnika struke koji moraju biti redovnim članovima Udruženja u skladu sa Statutom Udruženja.

Pripremne radnje Upravni odbor obavlja na inicijativu članova Udruženja koji žele osnovati podružnicu.

Tokom pripremnih radnji utvrđuje se postoje li uvjeti za osnivanje Podružnice, održava se Skupština članova buduće podružnice, na kojem se utvrđuje broj članova, tijela podružnice i obavlja njihov izbor, održava se sjednica Skupštine Podružnice na kojoj se bira predsjednik Skupštine i predsjednik Podružnice.

Tokom pripremnih radnji obavljaju se i svi ostali poslovi potrebni za osnivanje i početak djelovanja Podružnice.

### **Član 5.**

Kada se završe pripreme radnje i ako se ocijeni da u skladu s članom 4. ovoga Pravilnika postoje uvjeti za osnivanje i djelovanje Podružnice, Predsjednik Podružnice podnosi Upravnom odboru prijedlog za osnivanje podružnice.

Podružnica se osniva na Osnivačkoj Skupštini Podružnice Odlukom o osnivanju na koju Saglasnost daje Upravni odbor Udruženja.

Odluka o osnivanju mora da sadrži:

- područje za koje se osniva Podružnica, odnosno kanton,
- naziv, adresa i sjedište Podružnice,
- nadležnosti Podružnice,
- organe Podružnice,
- potpise inicijatora osnivanja (ime i prezime i JMBG).

## **III. NAZIV I SJEDIŠTE PODRUŽNICE**

### **Član 6.**

Naziv podružnice glasi:

UDRUŽENJE DOKTORA PORODIČNE/OBITELJSKE MEDICINE - Podružnica (naziv sjedišta).

## **Član 7.**

Sjedište podružnice je mjesto, odnosno županija/kanton, odnosno regija u kome je podružnica osnovana i na kojem djeluje.

Odluku o sjedištu podružnice donosi Skupština Podružnice, prilikom osnivanja ili kasnije, kada se, u skladu sa Statutom i ovim Pravilnikom, ukaže potreba za promjenom sjedišta podružnice.

## **Član 8.**

Podružnica ima znak i pečat.

Znak Podružnice je isti kao i Statutom utvrđeni znak Udruženja.

Pečat Podružnice je istog oblika i sadržaja kao i Statutom utvrđeni pečat Udruženja, s tim da u sredini stoji redni broj Podružnice.

Pravilnikom u upotrebi i čuvanju pečata jasnije je definiran način upotrebe, čuvanja i uništavanja pečata.

## **IV. SADRŽAJ I PODRUČJE DJELOVANJA PODRUŽNICA**

### **Član 9.**

Podružnice djeluju na ostvarivanju ciljeva Udruženja, kao što su:

- okupljanje pripadnika zdravstvene struke, i to iz oblasti porodične/obiteljske medicine, koji bi svojim dobrovoljnim radom doprinijeli razvoju i unapređenju porodične/obiteljske medicine,
- jačanje saradnje i međusobne povezanosti u oblasti porodične/obiteljske medicine sa katedrama porodične/obiteljske medicine u zemlji i u inozemstvu saglasno Zakonu,
- organiziranje kongresa, konferencija, foruma, seminara i promoviranje porodične/obiteljske medicine,
- davanje poticaja za stručni i naučni rad i izdavačku djelatnost iz oblasti porodične/obiteljske medicine,

- saradnja sa nadležnim ministarstvima zdravstva, zavodima zdravstvenog osiguranja, medicinskim fakultetima i drugim strukovnim ustanovama i poduzećima,
- razvijanje etičke svijesti i odgovornosti članova Udruženja,
- provođenje aktivnosti u cilju podizanja kvaliteta zdravstvene zaštite u porodičnoj/obiteljskoj medicini
- organiziranje i učestvovanje u naučno-istraživačkim projektima iz domena porodične/obiteljske medicine

### **Član 10.**

Ciljevi Udruženja iz članka 9. ovoga Pravilnika ostvaruju se u sklopu sveukupnog djelovanja, a posebno planiranjem i izvršavanjem konkretnih poslova.

### **Član 11.**

Konkretni poslovi iz članka 10. ovoga Pravilnika utvrđuju se godišnjim programom rada Podružnice, u skladu s godišnjim programom rada Udruženja, a realiziraju se izvršavanjem neposrednih zadataka utvrđenih tim programom.

Neposredne zadatke iz stavka 1. ovoga članka izvršavaju tijela podružnice, pojedini članovi ili radne skupine.

U provođenju svojih programa rada Podružnice su samostalne.

## **V. TIJELA PODRUŽNICA**

### **Član 12.**

Tijela podružnica jesu: Skupština Podružnice i predsjednik Podružnice kao individualno tijelo.

### **Član 13.**

Najviši organ podružnice je Skupština Podružnice i čine je svi članovi ako Podružnica broji do 25 članova. Ukoliko podružnica broji više od 25 članova, Skupštinu podružnice čini minimalno 20% ukupnog broja članova Podružnice.

Skupština Podružnice ima predsjednika i sekretara koje Odlukom o imenovanju imenuje Skupština Podružnice na koju Saglasnost daje Upravni odbor Udruženja.

Bliže odredbe o radu Podružnice utvrdit će se poslovníkom o radu Skupštine Podružnice.

#### **Član 14.**

Podružnicom rukovodi predsjednik Podružnice. Predsjednika Podružnice imenuje Skupština Podružnice uz saglasnost Upravnog odbora Udruženja.

#### **Član 15.**

Predsjednik podružnica obavljaju poslove utvrđene ovim Pravilnikom i drugim općim aktima Udruženja, a naročito:

- obavlja poslove člana Upravnog odbora Udruženja,
- sazivaju sastanke članova podružnica i predsjedavaju im,
- sazivaju sjednice izvršnih odbora podružnica i predsjedavaju im,
- provode i brinu da se u podružnicama čiji su predsjednici provode odluke i drugi akti Skupštine i Upravnog odbora Udruženja,
- potpisuju odluke i druge akte donesene na sastancima Podružnice,
- obavljaju i druge poslove utvrđene Statutom Udruženja, ovim pravilnikom i drugim aktima tijela Udruženja.

#### **Član 16.**

Predsjednik Skupštine Podružnice i predsjednik Podružnice nastupaju i kao članovi Skupštine Udruženja, s tim da je predsjednik Podružnice i član Upravnog odbora Udruženja.

#### **Član 17.**

Na mandat i prestanak mandata predsjednika i sekretara Skupštine Podružnice kao i predsjednika Podružnice primjenjivat će se odredbe člana 33 i 34. Statuta Udruženja.

## **Član 18.**

U svemu ostalome, što ovim Pravilnikom nije uređeno, a odnosi se na rad predsjednika Podružnica i predsjednika Skupštine Podružnice, i na njihova prava i obaveze, odgovarajuće se primjenjuju odredbe Statuta Udruženja, koje uređuju rad predsjednika Udruženja i rad predsjednika Skupštine Udruženja, te njegova prava i dužnosti.

## **VI. PREDSTAVLJANJE PODRUŽNICA**

### **Član 19.**

Podružnice nemaju svojstvo pravnog lica. U pravnom prometu sa trećim licima nastupaju u ime i za račun Udruženja u okviru svojih aktivnosti i programskih načela Udruženja.

Podružnica djeluje u ime i za račun Udruženja na području za koje je osnovana, odnosno na teritoriji kantona kome pripada.

Podružnica djeluje pod nazivom Udruženja i svojim nazivom, odnosno ispod naziva Udruženja, unosi se samo pripadnost određenom kantonu.

### **Član 20.**

Podružnice predstavljaju njihovi predsjednici.

Temeljem odluke Skupštine Podružnice Udruženja, podružnicu može u iznimnim slučajevima predstavljati i druga osoba koja mora biti član dotične podružnice.

## **VII. OSTVARIVANJE JAVNOSTI RADA PODRUŽNICA**

### **Član 21.**

Na ostvarivanje javnosti rada Podružnica i njihovih tijela odgovarajuće se primjenjuju odredbe Statuta (član 56-57. Statuta Udruženja), koje uređuju ostvarivanje javnosti rada Udruženja i njezinih tijela.

## **VIII. ČLANSTVO PODRUŽNICA**

### **Član 22.**

Članstvo podružnica sastoji se od članova Udruženja, koji žive odnosno rade u županijama/kantonima ili na regijama za koja su podružnice osnovane.

### **Član 23.**

Na prava, obaveze i odgovornost članova podružnica odgovarajuće se primjenjuju odredbe članova 43-51. Statuta Udruženja, koje uređuju prava, obaveze i odgovornost članova Udruženja.

## **IX FINANSIRANJE RADA PODRUŽNICE**

### **Član 24.**

Budući da Podružnice nemaju svojstvo pravnog lica te u pravnom prometu sa trećim licima nastupaju u ime i za račun Udruženja u okviru svojih aktivnosti i programskih načela Udruženja, Podružnica Udruženja raspolaže sredstvima za sprovođenje planiranih aktivnosti podružnice na slijedeći način:

- članarinom – u omjeru razdjela prema Odluci Skupštine za svaku poslovnu godinu,
- dobrovoljnim prilozima i poklonima od strane fizičkih i pravnih lica,
- iz budžeta,
- prihodi od kamata, dividendi, dobiti od kapitala, zakupnina, honorara, ugovora i sličnih izvora,
- prihodi i dobiti stečeni kroz ostvarivanje ciljeva i aktivnosti Udruženja,
- i drugih izvora u skladu sa Statutom Udruženja i Zakonom.

### **Član 25.**

Podružnica Udruženja ne može prihvatiti dotacije koje su uslovljene interesima suprotnim odredbama ovog Statuta.



## **Član 26.**

Imovinom Podružnice Udruženja upravlja predsjednik Podružnice na osnovu Odluka Skupštine Podružnice, pažnjom dobrog domaćina, uz saglasnost Predsjednika Udruženja.

## **Član 27.**

Nadzor nad namjenskim korištenjem imovine Podružnice Udruženja vrši Upravni odbor Udruženja.

Član u nekom od organa Udruženja ne može glasati o imovinskim pitanjima u kojima se on ili njegov bračni drug ili srodnik do trećeg stepena pojavljuje kao zainteresirano lice.

## **X DONOŠENJE FINANSIJSKOG IZVJEŠTAJA I IZVJEŠTAJA O RADU**

### **Član 28.**

Predsjednici Podružnica su dužni najmanje jednom godišnje podnijeti Skupštini Podružnice i Upravnom odboru Udruženja izvještaj o radu.

Predsjednik Podružnice Udruženja je dužan najmanje jednom godišnje podnijeti finansijski izvještaj sa podacima utroška sredstava, odnosno prihodima i rashodima Podružnice, Skupštini Podružnice i Upravnom odboru Udruženja.

Finansijski izvještaj priprema predsjednik Podružnice u saradnji Sekretarom Udruženja koji podatke pribavlja od ovlaštenog knjigovodstvenog servisa.

## **XI. PRESTANAK PODRUŽNICA**

### **Član 29.**

Podružnice prestaju postojati u slučaju prestanka postojanja Udruženja na način određen članom 55. Statuta Udruženja ili kada prestanu postojati Statutom utvrđeni uvjeti za njihovo osnivanje.

Odluku o prestanku podružnice donosi Skupština Podružnice uz saglasnost Upravnog odbora Udruženja

### **Član 30.**

U slučaju prestanka podružnice, imovina Udruženja kojom je ta podružnica raspolagala prenosi se na raspolaganje podružnici odnosno podružnicama u koje su prešli članovi bivše podružnice, i to proporcionalno broju članova koji su prešli u druge podružnice.

## **XII. TUMAČENJE PRAVILNIKA**

### **Član 31.**

Tumačenje odredaba ovoga Pravilnika daje Skupština Udruženja.

## **XIII. ZAVRŠNA ODREDBA**

### **Član 32.**

Na sva ostala pitanja koja nisu regulirana ovim pravilnikom primjenjuju se relevantne odredbe Zakona i Statuta Udruženja.

### **Član 33.**

Ovaj Pravilnik stupa na snagu s danom donošenja.

Predsjednik Skupštine Udruženja

---

Prim Dr med sci Melida Hasanagić